



Dr. Mahathir

Perbuatan guling - mengguling antara guru-guru didedah

U.M. 19 NOV 1974

KUALA LUMPUR 18 Nov. — Menteri Pelajaran, Dr. Mahathir Mohamad hari ini mendedahkan perbuatan setengah gurubesar-gurubesar dan guru-guru di bawahnya cuba menggulingkan antara satu sama lain disebabkan tidak ada persefahaman dan tidak puashati di kalangan mereka. Katanya, perbuatan seperti ini jika

dibiarkan akan menimbulkan keadaan yang tidak sihat di kalangan murid-murid dan akan merugikan masa depan pelajar-pelajar itu sendiri.

Berucap merasmikan kursus dua belas hari Pentadbiran Pendidikan dan Pengurusan Moden bagi 237 gurubesar-gurubesar sekolah rendah di sini, beliau berkata, setengah gurubesar-gurubesar tidak menyedari adanya hubungan tidak baik dengan guru-guru lain seperti cuba untuk menyingkirkan salah seorang dari mereka.

Katanya, "Akibat dari perbuatan seperti itu guru-guru tidak dapat memberikan sumbangan yang sewajarnya terhadap sekolah mereka, dan murid-murid tidak berdisiplin dan perjalanan sekolah tidak teratur."

Menurut Dr. Mahathir, dalam keadaan seperti ini murid-murid mudah menerima hasutan sama ada dari dalam atau luar sekolah sehingga berlakunya kejadian-kejadian yang tidak diingini seperti pemuluan kelas yang berlaku baru-baru ini.

Katanya, memandangkan kepada hal ini, adalah penting gurubesar-gurubesar pelajar mengadakan hubungan baik dengan guru-guru murid-murid dan masyarakat setempat.